


~~Kat. Koup.~~
589904-
-589927
Mac. St. Dr. III

HERIOTSHUZA
TAM. LIBELL.
PAC. 1914-1915


1-1711
800 T. 1



589904-589927

Mag^{III} St. Dr.

Mr. Targichy
Bobson



PHÆNIX
SERAPHICIS IN IGNIBUS,

Divino Amore

ÆSTUANS,
DIVINISSIMUS
BONAVENTURA,
DOCTOR SERAPHICUS,

S. R. E. PRESBYTER CARDINALIS,
ARCHIEPISCOPUS ALBANENSIS,

Redeunte annua suæ Festivitatæ die,

In sacra D. FRANCISCI Basilica,

Celeberrimi Conventus Culmensis,

Præsente Hospitum Corona,

à

M. JACOBO CYRILLO GAJEWSKI, in Almâ Uni-
versitate Cracoviensi Philosophiæ Doctore, in Academia
Culmensi, Scholæ Grammaticæ Professore, Ordinario;

Oratoriâ Pennâ

DESCRIPTUS,

Panegyrico Cultu

ADORATUS.

Annô

Quô, Phœnix Christus combustus Amore salutis. 1758.

Die 14. Mensis Julii.



POSNANIÆ, Typis ACADEMICIS.



Quasi Sol refulsit in Templo Dei.

Eccle: 50.

In quo sunt omnes thesauri, sapientiae, & scientiae absconditi. 2. ad Coloss: 3.

Bonaventura omnes sui temporis Doctores, utilitate Operum facile antecellit.

Abbas Trithemius.

Doctrina Sancti Bonaventurae nulla sublimior, nulla diviniore, nulla suavior, nulla salubrior. Joannes Gerson.



589924

III



ADMODUM REVERENDO,
ac
RELIGIOSISSIMO IN CHRISTO PATRI,
P. P E T R O
D U N I N,
SACRÆ THÆOLOGIÆ LECTORI
Sacerrimi Ordinis Prædicatorum,
Conventûs Culmenfis
PRIORI DIGNISSIMO,
Patrono, ac Mecænati Gratiſſimo.

Seraphicus Doctor S. R. E. Cardinalis Bonaventura Divinissimus, nuper de Rostris promulgatus, diu propter se quasi vit locum, diu reclinatorium petebat, ad Te postremo non invitatus venit, Quem uti Hospitem reverenter excipere dignaberis. Admodum Reverende Domine, Prior Dignissime, Mecænas Amplissime. Scio enim Te in Divos pientissimum esse, in Cœlicolas devotissimum, etiam in Divinissimum Bonaventuram hunc affectum monstrabis, illiq; apud Te suam figere stationem permittes, Phoenix est Bonaventura præstantissimus, Tuo Gentilitio Cygno associari percipiens, in Gratiſsum sinum advolavit, commodissimè nidificaturus: Divino Amore æstuans est Bonaventura, melius non potuit alibi, quàm apud Te locari, Qui verum es lumen sapientiæ, accensa fax Ecclesiæ, in firmamento Dominicana Religionis nitidissimum sidus, serenam virtutum spargendo lucem, crassas errorum dissipando tenebras, frigida accendendo pectora, ob id unice: ne Zelus erga DEUM, pietas erga superos extinguatur. Verior Flaminius es, Qui solis Mystici circumfusus radiis lucet coram hominibus, semper zamen

men sub velo modestie, sub sipario sanctitatis. Cardinalis Bonaventura Te cardinem probitatum, ac omnigenae perfectionis noscens Theologicarum, ac Cardinalium servatorem, & Propugnatorem maximum non ignorans, apud Te habitare elegit. Non timet in Tuo Gratoso sinu Detractorem famae Gelardum Bonaventura, nec quosvis alios pertimescit Zoilos cum eos à Sancto Phœnice Aviti Cygni proscribunt penna, severum poenae decretum contra tales Cavillatores, ac verius dca ocores exarando. Primas Tuas Prior Dignissime non lustris Cunas, novi enim ex Dignissima Te produsse Familia, ac bonis imò optimis natum esse Parentibus, Qui Tibi satis ad gloriam suffecisse videntur. Talem Te Filium Elisabeth de Stegiellscis, dilecta Genitrix edidit Mundo, ut meliorem si vellet parere non posset. Exististi Corona Domus, ornamentum Familiae, delictum Parentum, sanguine Junctorum solamen, cum non degener ab Illis exististi. Curiosus non investigo Juventutem Tuam, in qua dedisti specimina, Qui qualis quantusve Maturiori in ævo futurus eras. In parvo corpore nil exiguum præter molem referebas, Illum in pectore fovebas ignem, Qui Te ad amorem Dei, ad omne bonum & honestum incendebat. Studebas à teneris Pietati, incumbebas modestie, vitabas vel maxime otium, obedientiae singularissimus Alumnus, nulli Majorum in minimo refragari audebas. Processisti gravi passu in Literariam arenam eam bonis moribus conseminaturus, Optimam Literis navasti operam, cum his Pietatē junxisti. Nosti enim perbellē, quiddam ibi discitur, ubi virtutes Magisterium suum non exercent. Nihil prodest, eruditos libare torrentes, ubi Fons Incarnatae Sapietiae deest. Mala Syntaxeos constructio, si mores juxta Regulas honestae vitae non componuntur. Decurrebas, Olympia Scholastica stadiodromus, sed viam mandatorum Domini. Plurimum in Literario profecisti studio, cum de virtute in virtutem, de perfectione in perfectionem processisti. In Podesi Olorinus dulcia cantica Drammatis, Coelestis Parnassi Sanctiori Apollini Christo gravi modulamine decantabas. In Rhetorica, nulla alia Figura, quam Metaphora frequentissima dum cor à Mundo ad DEUM transferebas. Ut verò Hac Literata virtus magis in Te elucesceret, sub Religiosas abiivisti umbras. Ingredieris bonis avibus, Divi Patris Religionem Dominici, multo virtutum stipatus satellitio Miles Ecclesiae Militantis acerrimus futurus. Novitium agendo Veteranum presentabas, dum perfectus in omni videbaris. Resolvebat diligentius mente Regulas, Ipsae Religiosae vitae Regula factus, ad exemplum aliorum singula exequabar alacrius, quae Te Novitium concernebant. Humilitatem ceterarum virtutum pro fundamento posuisti, ad quosvis nutus & usus Patrum promptissimus fuisti. Maximum tuum velle, voluntati Superiorum conformari. Brevis Religiosa professus es Vota, quae statim à primo ingressu adimplesti. Candidissimo adscitus Ordini verè canon innocentiae dicendus. Nulli non amabilis, nulli non affabilis, sic Patrum adhaesi

fisti cordi, ut Te ob præcipuas dotes singulari prosequerentur affectu.
 Radiasti purissima claritate conscientiae, & lucidissimis radiis scientiae.
 Ita confederasti Pietatem Sapientiae, ut nihil Tibi foret sapientiùs, nisi
 quod Diviniùs, nihil prudentiùs, nisi quod sanctiùs, nihil doctiùs, nisi
 quod rectiùs. Stetisti ad Aras Divinas, Mystica sic suspiriis penetrasti
 Caelos, ut apertis Caeli postibus elementi Terricolae respiceret oculo DE-
 US. Fervet in Te Zelus honoris Divini, plusquam Vestalis Ignis sacrae
 de pectore erumpunt flamma, cunctos ad Charitatem Domini incendē-
 tes. Videt hæc in Te Sacra Dominici Familia, ac perbellè sciens, quodd
 parùm sepulta distet inertia celata virtus, Te Lectorem Philosophiae ad
 Thorunensem Conventum destinavit. Indefessus Professor ea maximè o-
 perabaris, ut Discipuli profectum caperent, quàm uberrimum. Docebas
 clariùs, erudiebas sinceriùs, instruebas faciliùs, quidquid abditum erat
 aperuisti, quidquid innodatum explicuisti, quidquid difficile facilitaisti,
 quidquid obscurum illuminasti, in Opere Literario æstus sine radio, si-
 ne gravamine onera tollerando. Multa in hoc Lectoratûs Officio tulisti,
 fecisti, sudasti, asisti, ut Discipuli indies eruditionis summâ accresce-
 rent, indies scientiis augmētarentur. Finito Lectoratûs Tui munere,
 diu diu quietis impatiens, laboribus pro honore Religionis assiduus in-
 præbato Torunensi Conventu Magistrum Novitiorum egisti. Prælucebas
 Religionem Ingredientibus exemplò præprimis Timorem Domini Illis in-
 culcādo. Admonebas in omni patientia & doctrina, omni modestiā, cō-
 tinentiā, obedientiā, rescriptarum Regularum ad amussim observatiā
 Novitior assuefaciebas. Illuminando intellectum Illorum, curasti vitio-
 rum caliginem ab Eis removeri. Non hîc adhuc meta laborum Tuorum
 Prior Dignissime majora egisti, quam exili penna describere possum, am-
 pliora operatus es, quàm arcta pagina complecti valet. Ad Ecclesiam
 Parochialem Swierczynscensem, duodecē annis curam animarum admi-
 nistrasti, sed quàm optimè, commissæ oviculæ Testes oculati. Erudiebas
 rudes præcepta fidei, Regulis Christianæ vitæ imbuebas simplices, ver-
 bo Dei gregem pascendo. In Sacris Exedris Ecclesiasticus Demosthenes
 perorando, Cælesti Svada in cordibus Audientium plantasti virtutes
 extirpasti vitia adeò: ut non persuadere dictione, sed animis imperare
 videreris. Nullum exordium Ecclesiastes formasti, quod de Fontib9 non
 duceretur lacrymarum, nullum punctum protulisti ab ore, quod punctu-
 ram in obstinatis pectoribus non formaret. Et quoniam longa est via
 per præcepta, brevis per exempla, faciliùs enim ea percipimus cūm
 Docentem, quæ docet observare videmus. Tu hanc regulam servasti,
 & ut citiùs instrueres, Te Rudioribus, normam pietatis, omnis perfe-
 ctionis exemplar exhibuisti, moralem vitam vivebas Sanctus, Civilem
 Urbanus. Procul à Te contemptor animus, & commune superbia malum
 cum vilioribus conversabaris, non aliam ob causam, nisi ut Te in mō-
 suetudine, humilitate imitari studerent. Archivum Te virtutum ap-

pellari libet, in cuius pietissimo corde monilia probitatum, sub clavis
aliae modestiae asservantur. Acrias de Te pugnarunt virtutes, cuius
praecipuus Alumnus esses, Tu inter illas lites composuisti, certamen di-
remisti cum omnibus suffecisti subiectum earum nuncuparis. Nulla Tibi
occupatio letior, quam Caestia contemplari, scrutari Divina. Jucun-
dior recreatio nulla, quam immortalia monumenta, quae operosus labor
ac ingentes in paginam retulerunt cura revolvere, & invisere. In-
tuendo tandem Conventus Culmensis Tuam in agendo prudentiam, in
disponendo solertiam, in operando activitatem, Te suum elegit Priorē,
Quem autoritas Patrum confirmavit. Fugiebas diu hunc honorem, sed
precibus Religiosorum convictus suscipere, recusare non debueras ut
prodesse singulis. In hoc Officio quantum communi prospicis bono Tui lo-
quuntur labores, & fatigationes susceptae. Unicum propter Te monu-
mentum non reperis quietum, semper sollicitudine occuparis, semper cu-
ris distraheis, & ut alii quiescant, Tu inquietaris, ut alii suavem ta-
pian, somnum, Tu invigilas, quia providus Pater, quia boni amanti-
mus es. Multa in hoc Conventu stante Tuo Prioratu crexisti, multa
restaurasti, omnia in suo esse in commodum, & utilitatem Conventus
conseruando, Dilectio decoris Domus Dei, sic Tuo cordi radicata est, ut
eam nulla necessitas eradicare possit. Mundissima altaria vario adorna-
ta decore, non vili contexta apparatu significant, & ostendunt Te esse
Cultus Divini maximum Promotorem. De Patientia quid dicam? en-
Te non semel adversi premunt Casus, non semel mala injuria fortuna,
Tu tamen forti animo omnia perfers, omnia toleras, omnia sustines, ut
etiamsi cum Anaxarcho tunderis, non contunderis. Magna ex Te Reli-
gioni Sacerrima accedit gloria, longē major aestimatio, cum ubiq; inte-
gritatem publici honoris promoves, dignitatem adauges, famam conci-
lias, & ut celsius emineat, candidior appareat, jam ab anno 1726. a-
liās ab ingressu in Religionem Tui toto virium allaboras conatu. Demo-
omnem assentationis notam, dum Te virum Talem, Qualem Te esse de-
ceat, profere, scilicet in omni perfectum, sine fastu gravem, sine simu-
latione rectum, sine tumore prudentem, sine felle bonum. Tu es Ille
Vir, Quem secutura posteritas praesentibus inuidebit, dum probē gesta
videbit, perpendet merita, laudabilia facta trutinabit. Irem ulterius
in elogia Tua ni scirem, magis Te laudanda agere, quam laudari vel-
le. Si mihi concederet innata Tua modestia, si Religiosa permitteret
humilitas vocarem in paginam Aborigenes Tuos, Quorum famam totus
divulgavit Orbis, dexteritatem laudavit, bene merita in Patriam, &
Ecclesiam perennaturae memoria impressit fastis. Verum perhorresco
nimium, ne Tuam in minimo ledam modestiam, unde Illos sub rosa si-
lentii repono, Vos tantum commemorare praesumo, SIMON & CON-
STANTINE de Skrzynno DUNIN, Fratres Mecenatis Germani,
Quorum unus Vestrum Bellona consecravisset animum, Arte & Marte
stre-

strenuissimus, alter Principibus placere Viris summo conamine studet.
 Candidus Vobis pro stemmate cecidit cygnus, nec immerito: Vos enim
 pro integritate Patriæ, pro aurea libertate Polona, pro immunitate Le-
 gum non ire, sed volare parati. Crimen committerem, ac judicari de-
 factò mererer, si Te praterirem Magnifice Domine JOANNES O-
 RZELSKI, Assessor Judiciorum Terrestrium Palatinatus Margeburgē-
 sis, Qui Tuo affectui, Tuoque cordi sic Prior Dignissimus adhesit, & ad-
 hareret, ut cum Illo velut Philades cum Oreste vivas. Tuo Gentilitio
 Dria infallibilem fortitur Patria fortunam, quo ludit, & eludit Hostes,
 multa Trophæa spoliisque ampla referendo. Non sinistram, & ego capio
 sortem, dum Tua liberalitate, Tuâ gratiâ compulsus, hoc opusculum
 aggressus sum conscribendum. Multæ enim Tibi à me laudum Apothe-
 oses debentur, ut pote: Viro Genere Illustrissimo, ingenio sapientissimo,
 prudentia peritissimo, ast meam capacitatem excedunt, mentem exsu-
 perant acumen hebetant, & attenuant, felicior Macedone, vel ideo di-
 cendus est, quod Ille vix districtò ferrò Gordium resolveret nodum, Tu
 nodosas causas multaque perplexitate involuta negotia, solius acumine
 mentis resolvis, & explanas. Non dicam hic, quod sis Fidelissimus Di-
 væ Astræ Cultor, sic in balance sani judicis causas ponderans, ut nec
 in dextram, nec in sinistram propendeat partem. Non me latent Tuæ
 egregia facta à Te gloriose peracta, sed hæc in aliud tempus mihi re-
 servo, nunc Te solum veneror silencio. Sine pœna non essem, si Te exi-
 lii supprimerem penna, Magnifice Domine GABRIEL ROZYNSKI,
 Commissarie Szamotuliensis. Virum Te decumanum prudentiâ, Qui nō
 novit ex Tuo discat ore. Inest Tibi ferè à natura congenitum judici-
 um, dum quidquid agis, optimum, quidquid disponis laudabile, quid-
 quid operaris ex omni parte perfectum. Attollit Tuam gloriam Sangvi-
 ne Junctorum Cygnus, sed majorem longè gestis inquilinis mereris. O-
 mnibus in rebus, ut verè dicam es providus, circumspectus, cautus,
 consilio felix, cuncta regis jucundissimè, ordinas suavissimè, moderaris
 prudentissimè. Ad hanc Consanguinitatis Arborem Vestra refertis No-
 mina, Magnifici Domini, ALBRACHTE KRUSZYNSKI, Castella-
 nida Gedanensis, RAPHAEL SKARBK KOZIETULSKI, Illu-
 strissimi, & Excellentissimi Mareschalci Regni Commissarie, Loricata
 Cohortis Polona in Exercitu Eques magnanimè. Viri estis ad magna
 nati, sanguine enutriti Bellona, spiratis Martem, non timidi pro Patria
 mori. Virtutes eximias Vestrâ, pridem æstimavit Orbis, Historicorū
 pennæ in Codices relata facta commendavit, & laudavit. Magnus in
 Vobis Religionis Zelus, magnus amor Patriæ elucescit. Alia elogia ad
 calculum non revoco oratorium, cum Vos & Superis placuisse, & Os Po-
 puli meruisse sciam. Pœnè innumera sunt Nomina Tibi Prior Dignissi-
 me Affinitatis juncta nexu, quæ hic non enumero etenim Illis vasa
 volumina non sufficiunt. Parce Mecenas Amplissime, si Tuam Religio-

sam modestiam læsi, si profundam humilitatem offendi, innuere
saltim debui, Quorum Gratiâ Bonaventura Divinissimus, luci
publicæ demonstratur. Nec mihi vitio vertas, quòd Te inscio
Laudes Bonaventuræ dedicare præsumpsi, etenim me ad hoc fa-
vor sanguine Junctorum permovit, candor Academicus suasit,
& particularis meus affectus demandavit. Modò nihil restat,
tantum ut Laudes Divinissimo Bonaventuræ gratiosus admittas.
Ego verò Tibi Philadelphicum præsentò amorem, & quæ constā-
tius de fovebam in paginam effundo vota, ut Bonaventura Di-
vinissimus, Tibi bona ventura impetret, ac Phœnix diviniore au-
reos omnigenæ sortis suis pennis scribat characteres. Virve sospes
& incolumis, ac post expletos Nestoris annos, perpetuum videas
serenum.

Ita precor

Nominis, & Honoris Tui,

Vérus Cultor, & Adorator profundus

Author Operis,



ORATIO.



Aradoxum non esto, nil novi posse dari sub Sole. AA.
 Quidquid enim vel Sydereus complectitur axis,
 vel liquida Neptuni continent Regna, vel Subso-
 lanus habet ambitus, id omne novitatis ethymum
 non meretur. Curiositatis gratiâ universum, qua
 late patet per Orbē gradatione feramur Rhetorica,
 diversas in partes convertamus oculorum lumina, quatuor Mundi
 libeat invisere Plagas, nulla tamen raritas inter tot rerum Imagi-
 nes obtutui nostro præsentabitur. Videmus horoscopantem in Zodi-
 aco Solem, in hæc sublunaria influere, velocissimo motu suum cur-
 sum absolvere, observamus germanam Phæbi Cynthiam crescere, &
 decrescere, augeri & diminui, nec non diras pati eclipses, & desinimus
 eandem cum Mathematicis mirari. Non est novū, quod Orbis Pla-
 netæ perpetuò erratico volvuntur motu, & à sua non aberrant sphæ-
 ra. Pridem Diva devenit Mathesis, cur? saltent in aëre capræ, cur?
 criniti resplendeant Cometæ, cur? corruscantia roboanti sonitu cre-
 pent tonitrua, & Orbem increpent Universum. Ignita ardent in
 æthere Phænomena, imbrifera nubila irrigant Terram, sed quia ho-
 rum rationem percepimus, nullum nobis pariunt stuporem. Scimus
 perbelle unde Boreas & Auster surgunt, unde flabra ventorum, un-
 de egelidus erumpat Notus, nobis non ignotum. Perpendimus cum
 Physicis naturas rerum, altô consideramus Judiciô, ortum ac inte-
 ritum, augmentationes & diminutiones, materiam & formam, ea-
 rum motum & quietem, observamus species diversas animalium,
 herbarum, plantarumq; virtutes, sed hæc omnia benè alii ante nos
 trutinarent, perpenderunt. Revocârunt ad calculum Archimedes stel-
 las, in cognitionem naturalium devenerunt Plinii, immensitatem

undarum emensi sunt Aristoteles, novum nuper voce populi Mundum, nunc veterem adinvenerunt Columbi, ut quidquam novitate commendatum, secutura posteritas non valeat reperire. Habuit pridem Orbis decumanos sapientiâ viros, Stoam coluit, & Peripatum, Academos adoravit & Gymnasia, plurimos numeravit Literatos, Literarumq; alumnos, quorum munimenta per tot sæculorum tractus ad nos usq; pervenere. Pridem audivit Orbis perorantes Togata gentis Tullios, fulminantes ore Pericles, mellifluos Isocrates, potentes eloquiô Cyneas, fluidos Demosthenes, quos imitari nobis non nisi est concessum. Quidquid tantum eruditæ annotant pennæ, quidquid scholastici exarant calami, id omne vetustas legit, vidit, laudavit, æstimavit. Historicorum volumina, Scriptorum annales, hos eventus rerum continent, has ipsas fatalitates exprimunt, quas antea actis temporibus idem Orbis est expertus. Circulo rotæ volvuntur anni, qui postquam suum absolverint cursum, iterum incipiunt rotari similes præteritis casus revolvendo. Fuerunt pensiles in aëre Semiramidis horti humanos oculos in admirationem rapientes, steterê profana Dianæ fana, pro quibus his quinquaginta laboratum est annis, sed heu dolendum! tantum excellentiæ opus diu novitate gaudere nequibat, omnia veterata in Orbe, nec quidquam novi nunc annosi aspiciunt Soles. Summo quis exambiat conamine vitreum fabricare Cœlum, & tale jam vidimus Cœdroæ, cum suis planetis cursum absolvantibus. Prætendat quis spectatori hominum exponere oculo plenum stupore miraculum, & talia septem antiquitas recensuit. Aurea Neronis ædificentur Palatia, ære fusa Pergamorum restaurentur mœnia, construantur Mirmecidis opera, præteritorum sæculorum tantum redibunt acta, non verò quidquam de nova radice erigetur. Ponantur Memphiticæ pyramides, Rhodii Colossi, Acrocorynthei, & Septizonia, reverberent aërem pennis architec-tæ, columbæ, hæc omnia vetustatis non novitatis artefacta. Lustremus vastissima Neptuni Regna, verum in illis nil novi intuebimur. Cæra pignora ponti coralia primæ magnitudinis uniones profundis licet occultentur in undis, inde tamen, humana extractæ peritiâ in usus communes, convertuntur. Mentis oculos convertamus ad Montes, ex illis non primò sumptuosi eruntur adamantes, Princeps Metallorum aurum non primò effoditur, dudum Fossorum manus ingentes eruendis adhibuerunt curas. Ipsa natura prodigiorum Parens insolitum portentum parere non potest, cum jam tot miraculis, quot rebus totum impleverit universum. Prorsus novum summumq; raritatis opus ferat, si quis ante Agamemnona non relatorum Scriptorum pennâ in Codices, Marte & arte potentium Heroû dexteritatem ante Trôes, & arcades suos Aborigenes revocantiû, ad Lunam hominum gesta describeret, descripta exponeret Orbi ad legendum.

dum. Inusitatum foret, si quis cupidus raritatis Sarmatarum in bellis ante Premyslaum stratagemmata revocaret, quæ hucusque ignota Orbi, quia ab antiquis suppressa. Plura unicò complectar verbò, quidquid tantum sagaci observamus pupillâ, hoc aliis observatum, quidquid mente præconcepimus, hoc jam præconceptum, quidquid annotamus, annotatum, & expressum intuemur.

ET jam, quæ protuli oraculum crediderim fore, ni ecce augustas Sacerrimæ Franciscanæ Religionis ingrediens Ædes, novum Sapientiæ prodigium, Sanctimoniam raritatem, humilitatis centrum, eminentiæ apogæum, Seraphicæ Regulæ Paradigma, Divinissimum Bonaventuram S. R. E. Presbyterum Cardinalem, reverentiali oculo advertissem. Et hic paulisper commorari libet, ubi DD. Cardinalis ad suæ Festivitatis diem, profundo cultu adest venerandus. Jam ultra alienas non ferar per oras, gratissimâ rerum novitatem, quærendo, cum Domi Cœlestes raritates habeam, quæ mentes & animos rapiunt in stuporem. Sublimitas Divi Doctoris Sapientiæ, nullo intellectu attingibilis, concentratæ virtutes, congesta in unum, perfectio mirari facit universos. Quidquid enim sua in vita DD. Bonaventura gessit, hoc anteaetis sæculis inauditum, quidquid fecit, oculis non visum humanis, quidquid Divino repletus Spiritu scripsit, hoc rarissimum, quidquid cogitavit, creatæ Sapientiæ transcendens fuit. Prima frons Cardinalium, Purpurei Senatus Caput, cujus consiliò omnia regebantur prudentissimè, disponebantur suavissimè, ordinabantur tranquillissimè. Eminebat Divus Cardinalis in purpura, sed sic: ut profundum Humilitatis attingeret centrum. Christiani ad gloriam Orbis, sublime decus, & ornamentum, Divinissimus Bonaventura. Sic amore Divino flagrabat, sic piis Orationum versùs Cœlum evolabat alis, ut nec Seraphim quidem altiùs ascendere posset. Exhibuit se ideam Sanctimoniam, vitæ Christianæ normam, ut unum Divinissimum Bonaventuram imitarentur singuli, mirarentur universi. Vita integra Bonaventuræ novum sub sole, quia in humilitate sublimis, in eminentia humilis, innocuo commendata candore. Inter tot Cardinalium Ordines, Unus Bonaventura ingeniò altissimus, Sapientiâ rarissimus, Seraphicis ignibus ardentissimus, vitæ innocentia, & perfectione nulli comparandus. Ergo præmissis legitimis antecedentibus, rectam inferam consequentiam, dum Divinissimum Bonaventuram Phœnicem inter Seraphicos ignes Divino Amore æstuantem, oratoria describam in Forma. Phœnicem Te Divino æstuantem Amore intitulavi. Doctor Bonaventura Divinissime, sed nihil novi proferam, quia omnium laudum encomia, omnium linguarum voces prætergressus es, parce tamen imbecillitati meæ Eminentissime Cardinalis, si quid eloqui conabor, ultra progredienti benedictione impertiri dignare. Vos ve-

rò AA. SS. Si vobis novitas est, gratissima rerum de Phoenice Divinissimo Bonaventura, dicturo benevolas aures non negate.

Conveniens ne? prædicatum Phœnix, subjecto Divinissimo Bonaventuræ adinveni, Vos sapienti tantisper trutinatè ingenio, ego scrutatorem rerum Plinium hac in re consulam, & naturam Phœnicis declarabo. AA. Phœnice etenim una tantum supereminet Arabia, eò magnificentius quia unico, eò carius quia raro. Ad invidiam cæterarum Gentium, ab Hac Nobilissima Avi, nomen sortita Arabia, & jam communi omnium voce Phœnicia nuncupatur. Habet suas excellas laudes inquilinas Arabia, habet pro Domo Encomiastas, sed inde maxime laudanda, quòd ex omni genere avium præstantissimum in sinu suo complectatur Phœnicem, ad miraculum universi. Conspicuus enim decore, speciosus venustate, Magnificus splendore, Phœnix Reginae volucrum Aquilæ præfert magnitudinem, ut nihil in illo vile, nihil exiguum videatur. Aureo fulgore circa collum amictus, ut suo à natura distinctorio præcellat, & excellat omnes. Elegantissimè dispositæ candidam faciem cohonestant ritulantes cristæ, roseum caput plumeus condecorat vertex, ut significet, Phœnices tantum ad magna nasci. Integer purpureis adornatus pennis, sic conveniens: Principem alitum velut murice rubere fulgenti. Mirabilem hæc rarissima avis construit nidum, sive volentem colligit castam, thurisq; redolentes stirculos, in quibus confidet, ac solis radiis adusta se voluntariè comburit, ut ex cineribus lætior evolet, ac iterum renascatur. Consumptis bis triginta annorum lustris, cum se prescancicie advertit, gaudet mori festivus in ortum speciali Coeli munere donatus Phœnix, virulentis repletas feris non inhabitat Regiones, venenosa colubrorum odit loca, lutosas pulverulentasq; aufugit valles, eminentiores tantum modo clivos exposcendo. Phœnicè more suo antiquitas, luminum Patri Titani in perpetuam dicabat hecatumben, eundem felicem appellando.

Hic fortunatus nimium Tytanius ales

Regna colit Solisq; plaga defensus iniqua.

Possidet intactas agris animalibus oras.

Sanè Phœnix cæteras aves, præstantiâ excellit dignitate anteit, pulchritudine exsuperat venustate, & raritate supereminet omnes. Sanctiorem Phœnicem extra Arabiæ montes in firmamento Seraphicæ Religionis Divinissimum Bonaventuram, S. R. E. Cardinalem, mentis oculo advertite. Quem sapientia, & virtus eruditio, & probitas, sanctimonia, & pietas, adeò rarissimum, inter mortales ostenderunt, ut idem sit Divinissimum Bonaventuram, quod Phœnicè igne æstuantem nominare. Primam illius lucem umbratili lustro sermone, quam sibi ex Hetruria capessit gloriosam: Balneoregii nidum Divinissimi Phœnicis Bonaventuræ, dilecti ponunt Parentes, pro quo

quo non frondes, non ramōs perunt, sed devotas componunt manus,
piis precibus fatigant Olympum, ut steriles Phoenicem Filium nan-
ciscantur. Retardavit quidem Cœlum desideria Parentum, sed sic
decurrit, ut diu desudaret natura Phoenicem Cœlestem Bonaventurā,
terris paritura. Fluunt gortatim annorum myriades, antequam de
concha sumptuosus profluat unio, in cavernis montium leute adole-
scit adamas, antequam efformetur, & concreseat: Proceræ arbores
sæcularibus vegetantur augmentis, nec statim, quæ virga fuit alta
Cedrus. Post longam tandem expectationem melioribus Astris Jo-
annis, & Ritelæ coronantur desideria. Serò, sed rarissimus Phoenix
de utero Matris, ranquam de nido evolat Bonaventura Divinissimæ,
ad unicum lætitiæ signum Parentum, ad raritatē Hetruriæ, ad gau-
dium, & solamen universi. A Gratia suam originem sumpsit, ut
gratus Superis, carus Parētibus singulis amabilis appareret. Nec ali-
ter Sanctior Phoenix in Mundum prodire potuit, nisi ex Joanne, ve-
lut Apocaliptica Aquila primordia desumendo. Scimus solem ab O-
ceano assurgere, ab aquis in Zodiacum ascendere, Phoenix Divinif-
simus Infans, Solis Justitiæ æstuans amore. Baptismalibus perfundit-
ur undis, ut ad ipsos evelet cœlos, magisq; charitatis flammis accē-
datur. In sacro Baptismate Joannis insignitur, nomine Sedes Cœle-
stium Gratiarum, virtutum Præcursor futurus. Inter aves nulla
Phoenice præstantior, inter natos mulierum, quis major Joanne, ad-
huc pendulus ab ubere Matris, & jam virtutes delibare cæpit, cui
majori oblectamine fuere, jucundius arrisere palato, quàm tenerri-
mis labrīs svavior lactatio. Pumilio corpore Bonaventura Divinissi-
mus, plusquam Gyganteam præsetulit magnitudinem, in primo Ju-
vente flore, plenas flagrantia probitatum casias, virtutum centifo-
lia, gratissimos perfectionum odores, Sanctior Phoenix colligebat.
Verè Phoenix in Infantia Bonaventura Divinissimus, etenim si Ejus
profundam humilitatem, majorem obedientiam, præcipuam ab ube-
ribus abstinenciam, gratam affabilitatem, virgineo pudore depictas
genas observabimus, nil non magnum, nil sub Sole non novum, nil
non rarum, nil non admirabile, reperiemus, ac prospiciemus. Vario
virtutum adornatus, magnificum s. Virum monstrabat, eas puer cō-
centrata habuit probitates, quàm pauci, aut nulli meruere senes, Fe-
lix suo Phoenice Arabia, longe beatior Hetruria, Hesperia Dominio
juncta. Quæ sicut ubertate Florentia, amantitate novus recreatio-
nis Orbis, deliciarum Paradisus nuncupatur, ita præstantissimū Cœ-
lestem Phoenicem edidit Divinissimam Bonaventuram, sua pulchri-
tudine suō altissimō Ingeniō, Romanam Ecclesiam, singulos popu-
los, populorum status svaviter recreaturum. Nobilis in gremio Lu-
cina ablactatur Juvenis Bonaventura, Orbis universi in Præsidium,
Parentem ad solatium, Sacerrimæ Religionis in ornamentum, ac

grande decus columenq; rerum. Sed heu! vesana fatorum rabies quæ non dedit, auferre cupit Phœnicem, alias DD. Pusioni inortem minatur atrocissimam. Cæcum Hoc Numen Libitina, nec Coelo quidē natis parcat, totum furendo per Orbem, & Cedros Libani, & humiles miricas, candida Lilia & violas, Pæstanas rosas & urticas, falce sua succidit adunca. Hinc & in Divinissimum irruit Infan-tem, suis inventis Juventam opprimit, innocentiam nocentem proclamat, vitæ Ejus, quâ nihil jucundius, nihil carius, stamina præscindere variis conatur modis. Boni Superi Bonaventuram defendite, en Sanctiorem Phœnicem fata deplumare intendunt; Quem lapsum erigite, cadentem fulcite, ab impetu Parcarum protegite, à morborum sævitie relevate, à casibus fatalitatis vindicate, ut, quod sacrum non profanetur, quod magnificum non vile reddatur, quod rarum non pereat cum sonitu auræ. Hæc ego cum profero, & ecce gemebunda Mater Ritela, sana applicat remedia, non jam copioso arce cœmit pharmacopolia, nec perfectissimos convocat Æsculapios, aut doctos quærit Podalyrios, sed cum piis precibus Divinissimi Patris Francisci subingreditur ædes, bene sibi persuasa, quod compositæ manus Francisci, Ejus Phœnicem, scilicet unicum Filium levabunt lethali à morbo. Offert in perpetuam Superis victimam, mæstissima Infan-tem Genitrix, has ad Coelos mittendo voces: Supreme Rector Olympi, ego afflicta Mater Unigenitum meum Tibi in obsequium reddo, *dic vive DEUS verbum, Qui unicò verbò creasti omnia, & meus Filius, Tuus verò servus, pristina fiet compos sanitatis.* Et hic dilecta Parens Unigenitum Bonaventuram verum esse demonstravit, Phœnicem, dum Eum Soli Justitiæ devovit, obtulit, consecravit.

Singulari Coelorum munere Bonaventura Divinissimus, iterum renascitur Mundo, dum vividiores reassumit vires, ac pristina restituitur valetudini. Nec cui stuporem pariat, quod invida fata in Divinissimum Infan-tem acerbius sævierint, molestius suum exeruerint furorem: Phoenix ut vivat igne comburitur. Divinissimus Bonaventura Sanctior Phoenix Divino æstuans Amore debuit ferventioribus aduri Mortis ignibus, ut sic verus probaretur, posteriores in annos succrescit Pusio DD, jam in adversis expolitus, velut ad Lydium lapidem aurum probatissimum. In tenero corpore, Bonaventuræ Gigas animus, exiguam pusillæ molis magnitudinem, doctrina & probitate, perfectione & pietate, extendebat. Crescebat non tam ætate, quàm sapientiâ; non tam augmentabitur corpore, quàm sanctimoniâ, de virtute in virtutem, de perfectione in perfectionē procedebat, indies venustissimorum morum incrementa sumendo. Juventus rem totam aperuit, quid in ulterioribus ætatis suæ partibus pertracturus erat. Non degenerat Vir à puero, consentit cum palmitē vitis, cum pubescenti culmo arista, cum diluculo, meridi-

es serenus, vel opacus. Divinissimus Bonaventura, ea puer agebat,
 quæ illum Phœnicem demonstrabant. Insolentiam exosus, nugas non
 secutus & ineptias, ludicris & velitationibus non incumberebat, tẽ-
 pus quod nihil pretiosius in casum non consumebat, boni & honesti
 semper amantissimus, ut Phœnix Juvenum diceretur. Innata à na-
 tura Adolescentibus levitas, & inconstantia; Divinissimus Bonaven-
 tura cum eis nihil commune habuisse visus, maturitatis & constan-
 tiæ, gravitatis, & modestiæ alumnus fidelissimus. Scandebat pietat-
 is gradus, devota ad DEUM evolabat mente, summò charitatis fe-
 rebatur desiderio, Phœnix Divino æstuans amore dicendus, dome-
 sticis in liminibus diu commorari renuit, ad Musas bicelli in Par-
 nasso consistentes, advolat Phœnix Bonaventura, declives terræ lin-
 quit angulos, eminentiores poscit clivos, & bene: nullus conveni-
 entior Phœnici locus, quàm Pindi vertices laureati. Bibit cum pi-
 etate Castalios Fontes, incrementa vel maximè percepit, virtutibus,
 & sanctimoniâ accrescendo. Figuras ad amussim calluit, se se in Fi-
 guram Phœnicis Cruci appensi componendo. Cæluras Pœticas ex
 cæso Salvatoris nostri corpore colligebat: Pegaseis instructus pennis
 Phœnix DD. in amana Tulli evolavit tempe, ad Lumina Oratoria
 magis Divino arsurus amore, Regina animorum Eloquentiæ Maje-
 statem in se transtulit, Princeps Purpuratus futurus. Phœnix nulla
 palustria inhabitat loca, eodem nomine insignitus Bonaventura, nul-
 libi svavius, quàm pulchritudine, & jucunditate commendatis mo-
 ratur in Campis. Si enim perorantem in Cathedra Togatæ Eloquẽ-
 tiæ Parens audisset, Bonaventuram Divinissimũ prodigium Eloquẽ-
 tiæ, Phœnicem Oratorum appellasset. Quantum adamas inter sim-
 plices lapillos, Tytan inter astra minora, tantum inter Oratores Di-
 vinissimus Bonaventura Phœnix resplenduit, & inclaruit Universo.
 In Eurippo Philosophico felicior Jason, aureum scientiæ adnaviga-
 vit vellus, aureus Sipientiæ Phœnix. Maximus inimicus tenebrarũ,
 continuò noctes atticas Cleanthis lychnis illustrabat, ut etiam inter
 umbras ardentissimus videretur. Innatæ modestiæ spectaculum Di-
 vinissimus Bonaventura, parvæ de se opinionis Amator, evanidas
 Mundi voluprates pulcherrimè: per humilitatem eludit, dum post
 optatum studiorum remigium, ad Religionem Divi Patris Francisci
 bonis avibus fertur; ut ardentius amore DEI Seraphicis in ignibus
 Phœnix Bonaventura æstare possit. Verùm quod tam celeri tendis
 passu Bonaventura Divinissimè, Phœnix es, & in umbris Religiosis
 occultari prætendis? Phœnix es, & centrum humilitatis attingere
 desideras? En Mundus Te Phœnice unico oblectatur solamine, Illu-
 stres Domus Ceræ, Te collustrant, quas in tenebras commutare in-
 votis habes. Reflectere quid agis? Quid ad hæc Bonaventura Divi-
 nissim9, tenax propositi sui, nec Eum austeritas Religiosæ vitæ de-

rerret; nec domestica retrahunt lenocinia; nec mundana illecebrae præpediunt viam, novit bene; quod etiam in annulo positus splendescit adamas, rosa pubescens etiam extra apricum Purpuram non amittit, melius gemmae in argento, quam in auro refulgent. A cunis adhuc electam Religionem ingressus, Nominis magnitudinem sui non arctavit, imò majorem fecit Bonaventura Divinissimus, pietate in DEUM ferventissimus, fortitudine animi invictissimus, innocentia mentis purissimus, ibi locari debuit, unde eminentior prodiret, ac se Phoenicem Seraphicis in ignibus Divino æstuante Amore exhiberet Universo.

Vade Oratoris facundia, accingere itineri, ubi Phoenix Divinissimus Bonaventura Cassiano in monte confedit. Mirare potiùs ad radicem Montis hujus, quomodo Divinissimus Bonaventura pennis Divini Amoris sublimatus in altum, humilitatem proficitur, obstupescere! quomodo charitate æstuat, quomodo nobilitate insignis, virtute conspicuus, minimus exoptat videri, Minorum Fratrum votis se se obstringendo. Hoc Ejus unicum fuit velle, nolle eminere, ingens magnitudo, humi serpere, qui inter Seraphicas umbras meridiana luce clarius, in centro humilitatis positus, major factus omnium, verè Phoenix proclamandus, Minoritarum adscitus numero, Bonaventura Divinissimus. Alexandrù de Ales Magistrum nactus, quàm per optimè: *simile simili gaudet* Sophorum axioma sonat: Diviniori Phoenici Bonaventurae successit in Professore Ales, sub Hoc enim Alite Bonaventura plurimum profecit, multa didicit, majora percepit, sub Hoc inquam Alite, sublimi mentis acumine ad illud consumatae sapientiae evolavit culmen, quod raris mortalium, aut nullis attingere est concessum. Aristoteles supra Platonem, supra Chironem Achilles, supra Anaxagoram Pericles, supra Alexandrum de Ales, Phoenix Bonaventura. Stupet Professor, Divinam plane in Bonaventura Sapientiam non acquisitam, sed Coelitus infusam, videt intaminatae vitae candorem, elevatam in DEUM mentem, profundam humilitatem, strictam Religiosae vitae observantiam, demissam modestiam, videt Amore erga Superos flagrantem, charitate æstuantem, & attonitus hæret. Angelum magis, quàm hominem arbitratur, an veriùs loquar Phoenicem rarissimum præsupponit, exclamando: *Ecce verus Israelita, in Quo non est dolus, videtur in ipso Adam quodammodo non peccasse.* alias: ecce Phœnix rarissimus, amore DEI ferventissimus, ecce Phoenix sordes peccatorum, venena scelerum exosus, conscientiam suam labe piaculi non contaminavit nefandè. Ecce Seraphicis in ignibus, Divino æstuando Amore, Phoenix omnes proclivitates ad malum in cineres, & favillas abire laborat. Ecce purissima CrySTALLUS, quæ Soli Justitiæ admosa triumphales militanti Ecclesiae accendit ignes. Ecce Sapientiae epitome virtutum compen-

di-

diū, Sanctimonie imago, Fidei Orthodoxæ propugnaculum, Ecclesie basis, Divinitatis norma, & quod idem est, Phoenix Divino æstuans amore. Magis quàm Veluvius, aut Siciliæ Æthna, charitatis flammam evomit Bonaventura Divinissimus, cuius pectus plùsq̃ vestalis ara, ad aras Superùm immortalium, assiduò pro Honore DEI zelosissimè, pro Ecclesia ardentissime, pro Fide orthodoxa ferventissimè, Divinior Phoenix æstuabat. Stupendam Ejus modestiam, quæ lingua eloquetur? digna Cœlō gesta, quæ penna describet? quis verborum color? vivā Sanctitatis depingat ideam, en Bonaventura vilioribus se adhibet officiis, ægros visitat, servit infirmis, debiles levat, Fratrum obsequia præstat, strata vertit, cellulas purgat, se unum servum omnium fecit, ut Nomen Phœnicis mereretur. Septimò Franciscana in Religione annò, & jam Vir ut octo habetur, nullus Eò sapientior, nullus Pietate perfectior, nullus Sanctimoniam celsior, & adhuc ferventiori nisu Phoenix altiora contendit, Cœlesti meditatione ad Superos fertur, nihil in Terris præter corpus habuit, conversationem suam in Cœlis reposuit, totus corde & animò in DEO. Habitus est virtus alibi, in nostro Bonaventura Phœnice, idem quod Ipse, accidens alibi acquisitum difficile separatu facilissimū, in Eo id ipsum quod Ille, tunc non si potuisset separari ab Illo cū Ipse, à se Ipso disjungi. Vixit in carne, extra carnem, integer vitæ scelerisq̃ purus, Angelos si non naturā, tunc virtute excelluit, superavit, Phoenix hominum rarissimus adeò confederavit sanctimoniam scientiæ, scientiam sanctimonie, ut in Illo distinctim cerni nō possit. Omnigena perfectione plenus, subtili mente in sublimem sapientiæ, & probitatum elevatus Regionem, ut Ipsas Cœlorū Motrices Intelligentias sufficeret erudire. Phoenix ing nō Divinissim⁹ Bonaventura, Parisiensi Sorbonæ destinatus, Magister tantam discipulis propinavit aganippen, ut eorum animi scientiarum fluentis exuberare viderentur. Felix Parisiensis Sorbona Phœnice Bonaventura, Qui Eam suis pennis usq̃ totius Orbis ad invidiam sublimavit. Sacer hic sacrorum interpres, & scrutator, Spiritu Domini fervens, ita cuncta exponebat facillimè, enodabat lucidissimè, ut nec septuaginta Ei sufficere lingvæ crederentur. Maximè in votis habuit, ultimis jungi Fratrum catervis, minimus Sacerrima in Religione dici, ab infirmis non separari, cū tamen in omnibus Primatum tenere non temere debuerit, quia Phoenix Divino æstuans Amore. Videndo tandem Sacerrimi Francisci ordines, pares altioribus muniis Bonaventuræ lacertos, unanimi votorum calculò Eundem Generalē eligunt Ministrum. In hoc munere, Boni communis amantissimus Bonaventura omnibus affabilis, singulis amandus, reprehendebat defectus Fratrum, in charitate admonebat, in omni patientia, & doctrina, ut Phoenix in hoc Generalatūs officio spectaretur. Vacillan-

rem Religionem firmavit, Fratribus licentiam ademit, ad strictiorē observantiā Regulæ omnes pertraxit. Expressit in se vivam Patris Francisci ideam. Eundem in omnibus actionibus imitando, Divinū ad Amorem commovebat singulos, excitabat in cordibus charitatem, ut alios sicut se Ipsum Seraphicis in ignibus videret æstuant. Paulò post ad Eboracensem Episcopatum vocatur Phoenix Bonaventura, o! quàm Beata tanto Præsule Eboracensis Diocesis. O! quàm felices oves tanto Pastore fuissent, si Phœnicem Bonaventurā, innata modestia non excusasset, ac profunda humilitas præesse voluisset. Alii ad Illustres Honorum provolant Soles, etiam si nefandorum bubones scelerum, alii talpæ vitiorum meridiem eminentiæ videre prætendunt. Nemo ad Honores testudo, quilibet Aquilarum more in altum eluctari cupit, ut in auge resplendeat Dignitatum. Non trito virtutum & meritorum calle, sed pessima excessuum semita, ad Solia fastidioso nisu feruntur, ad fastigia etiam percalcata capita crescere non recusant, imò in votis habent. Divinissimus Bonaventura, Phoenix verè rarissimus, Præsuleum abigit pedum, inquilino non tantum Honore contentus, in apricum eminentiæ prodire renuit, satis splendoris habens ab ignibus Seraphicis, satis claritudinis ab æstu Divini Amoris. Pauper Francisci vestitus, magis Divinissimo complacuit Bonaventuræ quàm coruscus Præsulum amictus. Gemma non inserta coronis, suum non amittit valorem, nec virtus indiget splendore, quem satis ex se habet maximum. Sanctiores tenebræ satis gloriæ, & Eminentiae Divinissimo Bonaventuræ Phœnici attulerunt. Verum Doctor Divinissimus Bonaventura, Caput Eboracensi Insulæ inclinare recusas, illud Cardinalitiō Galerō supponere debebis; violaceum repudias amictum, purpureus murex Tuos Atlanteos induet lacertos, quem pridem Sapientia, & Pietas, Amor Divinus & Zelus, Honoris innocentia, ac probefacta meruere. Factum est: AA. ad instantiam innocentis vitæ, incomparabilis sapientiæ suffragante Gregorii X. favore in Archiepiscopum Albanensem, ac Cardinalem assumitur, hanc Dignitatem diu recusabat, Galerum à Summo Pontifice per legatos sibi transmissum proximæ frondi appendit, sed urgente gravi necessitate non tam libenter, quàm reverenter debuit acceptare. Et jam totus purpureus apparet Phœnix Divinissimus Bonaventura, Romanam Ecclesiam, ac Orbē condecoraturus universum. Phoenix circa collum, tanquam aureum portat torquem, Divinissimus Bonaventura totum Caput Aurum optimum, sana vacillanti Ecclesiæ, titubanti Religioni consilia daturum, & ita decuit ut Bonaventura Phœnix Seraphicis in ignibus Divino æstuans Amore purpureo resplenderet in Senatu, sic decuit, ut raritas maxima in Vaticano Romano sub clavibus Apostolicis asservaretur, sic decuit; ut ubi omnes Hæresiarcharum excōmunicabantur


10


tur errores, falsa damnabantur dogmata; Phoenix Bonaventura Divinissimus, ea suis pennis ab Ecclesia Catholica proscriberet, sed nec Rosa sine sentibus, nullus liber à tinea liber, nulla Virtus sine æmulo, nulla gemma sine concha. Gelardus homo, quem non dicam nequissimum, sed ipsam nequitiam, non improbum, sed ipsam improbitatem, non infamem, sed ipsam infamiam, non pestilentum, sed ipsam pestem, Phœnicem ægerrime ferens, ac si Phœnici suæ pennæ decellent, clandestine libellum, famam Minoritarum, & Bonaventuræ lædentem conscripsit, ac nec oculis dignum quidem humanis, in lucē publicam edidit, Phoenix Bonaventura, contra hanc pestē, rescripto suo pugnavit, nequitiam illam, cristas attollentem debellavit. Blasphematoris ausum compescuit temerarium, longè majora operatus est Divus Bonaventura, dum conjuratos Ecclesiæ hostes edomuit, errores proscripsit, beatiùs vivendi, Regulam præscripsit. Præses Concilii Lugdunensis, à Gregorio X. designatus, vix Lugduni stetit Bonaventura, at Græcorum stultitia, sublimi Ejus confunditur sapientia, tollitur mala opinio, ac falsitates deteguntur. Orientalem Ecclesiā Romæ univit, unum Orbis Caput demonstrando. Hæc operantur Bonaventuram, dum malefani vident Græci, suos abjurant errores, perversitates palam fatentur, stupent in Bonaventura prudentiā, mirantur ferventissimum Zelum, ac Phœnicem Divino æstuantem Amore pronò cultu adorant. Mitto Phœnicis Bonaventuræ sapientiā, non enumero tot codices, tot volumina ad instructionem Orbis cōscripta. Prætereo quomodo Phoenix Divinissimus Acephalam Ecclesiam diu impatiens, discordes Cardinalium composuit animos, scissa univit corda, rupta reparavit vota, absq; ulla controversia, Verum Legitimumq; Pontificem Theobaldum elegit, nominavit. Quidquid Bonaventura dixit oraculum, quidquid scripsit miraculum fuit, ex Fonte Increatæ Sapientiæ, scientificas delibavit venas, Phoenix Sapientum, Phoenix Cardinalium, Phoenix Fratrum Minoritarum, & ut veriùs dicam, Seraphici in ignibus Divino amore æstuans, Phoenix adorandus. Post Exantlatos tandem Seraphica in Religione, purpureo in Senatu, pro DEO, pro Fide, pro animarum Pietate labores, Divino succensus Amore, crematur Bonaventura Divinissimus, ut Coelo renascatur. Mortalem vitam agendo, immortalia fecit, lethi expers, quia Phoenix exstitit, omnia Cœlo digna operatus est, meruitq; super Astra referri. Et hinc jam Oratoris cessant spiritus, ubi Phoenix Divinissimus Coelo renatus, Beatiorem sperat vitam. Habitantem lucem inaccessibilem admotus, ferventiùs Divino æstuat Amore, verum Oratoria extingvit lumina, non prætendit, Phoenix Bonaventura eruditā elevare pennā, postquam ad Coelos evolavit.

Congratulor magnæ felicitati Vestræ Religiosissimi in Christo Patres, quod usq; ad invidiam Orbis habeatis Seraphicis in ignibus

Divino Amore æstuantem Bonaventuram Divinissimū. Vestra enim
 inde Gloria, Vestrum encomium est, quòd Minoritæ, maximos eru-
 ditione, Sapientiâ, & Sanctimoniâ, non minores Viros, Orbi uni-
 verso demonstratis. Permittite mihi velum modestiæ Vestræ retege-
 re, videbit Orbis Pontifices, Cardinales, Episcopos, Reges, Princi-
 pes, Confessores, Martyres, & innumeros sanctitate commendatos
 Viros, Seraphicis in umbris se se occultantes. Verè Sacerrima Vestra
 Religio nidus Phoenicum est, quæ eruditione totum implevit Orbē.
 Manus quas sacro gentis in Stemmate, Vos versùs Cœlum attollūt,
 demonstrando fideles in Vineâ Christi Operarios. Et quoniâ omnia
 Cœlō digna agitis, undè Vos ipsum laudet Cœlum, ego tacere co-
 gor. Ad Te nonnisi Phoenix Bonaventura refugio, ut tuis pennīs no-
 bis Privilegium omnigenæ prosperitatis subscribere digneris. Age
 Bonaventura Divinissime, ut sub Tua Protectione Polona nidificet
 Aquila, ab Hostium fulmine immunis futura. Age Divinissime Car-
 dinalis, ut in Rota Illustrissimi Capituli Culmen sis, Ipsi tantum cum
 successu rotentur Honores. Murices, Galeri, Infulæq; volvantur.
 Novicolli Civitati, & nostris Culmen sis Scholis, fortunatos impe-
 tra progressus. Nos verò Academici per Sceptraferam nostram jura-
 mus Crucem, quòd Te Philadelphico semper prosequemur can-
 dore, & Phoenicem Seraphicis in ignibus Divino æstuantem
 Amore propalabimus, ut Ego hæcenus propalavi, &

D I X I.





Biblioteka Jagiellońska



stdr0025787

